


Historia Eub. Polon.

Teol. 3037.

Mucetini Jebi Oratio in inceptione lectio-
num in domo Adinandorum Craivici
a. 1603 habita.



ORATIO
IN INCOEPTIONE LE-
CTIONVM IN DOMO
ORDINANDORVM,


Cracovia, die SS. Primi & Feliciani mart.

Anno Domini, 1603.

A

SEBASTIANO NVCKERINO S. T. D. & c.

HABITA.



BIBLIOTHECA



JAGIELLOŃSKA

CRACOVIAE,

In officina Andreæ Petricouij.

Anno Domini, 1603.

Ad Illustris: ac Reuerendis: Dñm,
D. BERNARDVM MACIEIOWSKI,
EPISCOPVM CRACOVIENSEM,
DVCEM SEVERIEN. &c. &c.

MOnuisti me aliquoties, Illustris: Antistes, ut ti-
bi Orationem, seu Verius lectionum in domo Or-
dinandorum inceptarum, Praefationem coram te habi-
tam, scripto traderem. Voluisti credo ostendere, duos
sensus ad scientiam comparandam, natura esse datos,
visum & auditum: & quia hunc, cum praesens prima
lectioni adesses, testem instituti nostri litterarij habuisti,
illum quoque ut haberes, quod aure audisti, descriptum
oculis subiici, mandasti. Ego qui cetera alia, arbitrio
tuo facio ac facere debeo: debui & in hac re tibi obsequi.
Accipe ergo Illustris: Praesul, praesilientem Professionis
fidei, & Fori paenitentialis explicationi, qualem qua-
lem orationem: ac mihi ut in utroque voluntate &
studio proficiam, benedic.

Illustris: ac Reuerendis: C. T.

deditissimus sacerdos,

392750 C A R O

in officina Andree

1663, in anno Domini

Sebastianus Nucerinus

S. T. D.

ORATIO.



Ordinandorum domum instituere, ac
clero ad sacros Ordines per gradus
ascendenti, Scholam probitatis litte-
rarumq; aperire, propositum est, & ti-
bi Antistes Illustrissime, & vobis ad-
modum Rñdi Patres: Vtinam tam felici successu
quàm concordibus suffragiis. Iudicastis enim om-
nes, ordinem in mundo hoc, esse velut ducem, quo
res quælibet ad destinatum sibi à Deo finem, quasi
manu ducitur & dirigitur: & quo sublato, non so-
lùm vniuersa retrocedere, sed misceri primum, de-
inde ruere est necesse. Hinc & exercituum duces,
vt victoriam reportent: hostilem aciem perrumpe-
re, turbare, statione sua quemq; dimouere, quàm
maximè cupiunt: vt sic turbata acie, velut pisces
aquis turbatis, hostes in manus Imperatoris deue-
niant. Non indissimilem cladem, Auditores, Eccle-
sia Dei, quæ est vt castrorum acies ordinata, heu
propendet, in qua, statione quisque sua quasi depul-
sus est, cùm nec Subdiaconus munus proprium, nec
Diaconus ordinis sui institutum, nec Presbyter (vt
alios præteream) suum officium nouit facere: om-
nesq; ordines, (& ij quidē sacri) sine ordine, hoc est,
sine duce, ad ædificationem corporis Christi, & cō-
summationem sanctorum temerè tendunt. Quod
malum, ne amplius pergat crescere: conuenistis vi-
dere de verbo hoc, in proxima Synodo Diœcesana

D. Thom:

par. 1. quæ:

22. ar. 1.

Crac. tu Antistes Illustriss: & vos Patres admodū
Rñdi: malumq; dum in herba est euellendum præ-
clare statuistis; ac domum Ordinandorum erigi, in
qua bonitatis & disciplinæ & scientiæ semina clerus,
ab ipso spiritualis status ingressu, combiberet, de-
creuistis. Quod vt tandem quomodo fieri debeat
intelligatis: totam studij rationem, quam hi Ordina-
ndi sequi ac tenere debebunt, vobis exponam:
ostendamq; quomodo in conscientia bona & fide
non ficta exerceri & excoli clerus habet necesse, vt
fructum afferat, & sciat officium Sacerdotum ad po-
pulum. Vos modò Auditores, me vt cœpistis bo-
na cum venia, de vtroq; breuiter dicentem, audite.

Qui de Sacramentorum ratione, via certa inue-
stigant ac differunt, bifariam illa solent diuidere:
alia enim ex se & fine institutionis suæ ad propriam
suscipientis ea salutem & perfectionem sunt propo-
sita, vt Baptismus, Confirmatio, Eucharistia, Pœni-
tentia, & extrema Vnctio: alia non ad propriam su-
scipientis vtilitatem, sed ad aliorum emolumentum,
atq; adeò ad totius Ecclesiæ commodum, vt sacer
Ordo & Matrimonium. Quod cū ita sit, facile
vnusquisq; vestrum intelliget, quam ob causam ego
duplex potissimè studium Sacerdotibus præ oculis
esse habendum dicere institui: Cognitionem scili-
cet Controuersiarum fidei & Casuum conscientiæ.
Duo enim sunt, quæ omnes homines (in quorum
lucrum animarum sacer Ordo fidem suam obstrin-
xit) aberrare, ac vel ad dexteram vel ad sinistrā de-
clinare

clinare impellunt: falsa fidei doctrina & vitæ mo-
rumq; improbitas. Excluditur quis à ianua cœli:
in promptu causa est, vel quia malè credidit, vel
quia vixit impiè. Est enim hæc vita, mari magno &
spatioso similis, quod duas Syrtes, omnes quotquot
illis imprudenter & satis cum periculo adnauigant,
absorbentes continet, Scyllam & Charybdim: quas,
quicumq; foeliciter ad portum applicare voluerit,
pari conatu & diligentia prospicere ac euitare ha-
bet necesse. Quid enim prodest, euitata Scylla in-
cidere in Charybdim? Scylla vitæ est hæresis, Cha-
rybdis, fœda viuendi ratio operumque impuritas:
Vtramq; euadere qui cupit, debet & odisse eccle-
siam malignantium & cum impiis non sedere. Ne-
quaquam enim assentimur, seu parenti erroris Eu-
nomio, seu pronepotibus eius Lutheranis, qui fidem
sine operibus ad salutem sufficere docuerunt: para-
tiores D. Iacobi Hierosolymorū Episcopi sententi-
am amplecti, qui contra Patriarcham prædictorum
sectariorum Simonem Magum epistolæ suæ argumē-
tum velut arcum tendens & sagittam dirigens sic di-
sputat: Quid proderit fratres mei, si quis dicat fidē
se habere, opera autem non habeat? Nunquid po-
terit cum fides saluare? D. autem Augustinus sug-
gerit: Fides sine operibus potest quidem esse, sed
non prodesse. Non satis ergo est fidem habere, &
eius ope, ac velut remigatione, Scyllam hæresis eua-
dere: euadere tamen hanc, ac cursu rectè instituto
præternauigare, omnino est necesse. Quod quomo-

Aug: lib:
de hær: ca:
59.

Iren: lib: 1.
cap: 20.
Baro: an:
Chri: 63.
num: 11.

Lib: 5. de
Trin: cap:
18.

do cuiusque rei studio hi iuvenes sunt facturi, mox
aperiam: si prius quæ omnium hæresum occasio &
origo fuerit, ex sententia veterum Patrum, patefe-
cerit. Sicut enim apud Medicos, magna immodum sum-
ma laboris pars est, quod sit morbi initium & quæ
causa, ingenio peruidere: ita in hac animarum seu
errantium & foris positarum reuocatione, & ad ouil-
le reductione, seu in ouili consistentium pia & recta
institutione, maximè semper est habitum radicem
pullulantis zizanias retoderi, ac illa radicitus semel
euulla ne iterum succrescat, metu liberari. Hanc
ergo primam hæresum occasionem, originemq; Ori-
genes, contra Celsum disputans, sic prodit: Nul-
lam vnquam (inquit ille) extitisse rem magnæ existi-
mationis, & communis vitæ vtilem, quæ non in var-
ias sectas discissa fuerit. Quot enim in medicina
praxes? quot in Philosophia opiniones? quot in le-
ge veteri sectæ prodierunt? Eodem modo quæa Chri-
stiana religio, magnum quiddam & venerabile visa
est hominibus, non solum seruili ingenio præditis
(vt Celsus calumniabatur) verumetiam multorum
Græcorum eruditissimis: dum omnes venerantur sacras
scripturas, in re insigni, quilibet suo sensu insignis
esse & excellere voluit, & quasi formosam sponsam
quisq; ad se trahere. Hæc Origenes de origine se-
ctarum præclarè & subtiliter, & ad mentem eorum
qui de eadem re olim sunt locuti. Nam & Dauid
cùm diminutas veritates à filiis hominum querere-
tur, quid causæ attulit? Linguam nostram, inquit
ille, (pro-

Lib: 3.

*lib: 3.
cap: 10
107*

*lib: 3.
cap: 10
107*

*lib: 3.
cap: 10
107*

(plinius ob

3 A 1

ille, (prout dixerant insipientes in corde suo) magnificabimus, labia nostra à nobis sunt. Ipse verò Christus Dominus quid de earundem hæresum, ac omnis falsitatis origine, docuit? Qui, inquit, ex propriis loquitur, mendax est. Proprium perdit Monachos, proprius sensus hæreticos. Quia ergo ex propriis loqui, linguam suam magnificare, in adinventionibus suis ire, omnium errorum & hæresum radix est: quid varias has pestes expurgare ac extinguere melius poterit, quàm proprio sensui communem & Catholicam fidem: linguæ suæ magnificationi, os Petri, per quod elegit Deus gentes Evangelium audire & credere: adinventionibus suis, id quod visum Spiritui sancto, & iis quos Spiritus sanctus posuit Episcopos regere Ecclesiam Dei, opponere: aut verius tanquam emplastrum morbo, qui velut cancer serpit, apponere? Expectatis quid tale proferam? Professionem inquam fidei à Concilij Tridentini patribus conscriptam, & promulgatam: qua duce, inexplicabiles hæresum opiniones, evadere quisq; facillimè potest ac tenetur. Est enim velut illud filum, quod Ariadna Theseo ad superandas labyrinthi tricas & anfractus tortuosissimos, velut lucernam pedibus & indicem viæ veritatis & vitæ dederat. Hoc ego filum fidei, lectione maturina coram oculis horum iuuenum, Deo auxiliante, expansurus sum: vt quomodo contextum sit, oculis ingenij peruideant & animo complectantur: vsuq; ita tractare & trahere illud consuescant, quo

eos qui foris sunt, abalienati ab utero Ecclesiæ, lo-
 quentes falsa, è lacu hæresis, velut fune, valeant ex-
 trahere & auræ salubri salutiq; reddere. Hic erit
 primus labor, qui & intellectum dabit paruulis, &
 Scyllam hæresum, quasi protensa manu indicabit,
 erroresq; fidei euadere faciet. Sed nequaquam est
 hic consistendum. Superest enim Charybdis vitæ
 improbæ, peccatorum vorticibus bullicens: quæ, ô
 Christe IESU, quot Catholicos, qui sibi de fidei
 veræ & Christianitatis nomine blandiebantur, ab-
 sorbuit ac perdidit? Latissimum est regnum pecca-
 ti, & multi sunt in quorum mortali corpore regnat.
 Ad errores enim fidei, nisi ab alio persuadeatur, vix
 aliquis impingit: ad liberiores autem & insolentem
 viuendi modum, sensus & cogitatio cordis hu-
 mani, ab adolescentia prona ad malum, per se tra-
 hunt & ruentem propellunt. Clerus igitur totus,
 qui ex institutione, vt diximus, sua, non proprio sed
 aliorum commodo sese deuouit, euigilare ad remos
 capiendos superandamq; Charybdim, & peccati re-
 gnum expugnandum, quàm maximè debet. Huic
 operi faciendo, laboris & studij nostri partem alte-
 ram assigno, ac remedium improbitatis & peccato-
 rum produco ac nomino: Forum Pœnitentiale, seu
 doctrinam de peccatis, quibus cadit conscientia, &
 illorum remediis, quibus adiuta consurgit. Vel vt
 verbis D. Bernardi, apud te Illustris: Bernarde v-
 tar, de duplici malo: altero quod facimus, id est
 peccati, altero quod patimur, id est poenæ. Quic-
 quid e-

Ser: quo:
 dup: malū
 cooper: in
 bonum.

quid enim à nobis cum offensione legis diuinæ fit,
peccatum est: poena verò, quicquid cum offensione
nostra accidit; seu in foro interiori pœnitentiæ (in-
ter me & te vocat Euangelium) seu in exteriori iu-
dicii, cùm dicitur in facie Ecclesiæ. Trium horum,
peccati inquam, ac duplicis eorum remedii tracta-
tionem, Forum pœnitentiale, quod ego iuuenibus
hisce horis pomeridianis, Deo auxiliante, prælectu-
rus sum, nominare placuit. Sed vereor, ne titulus
hic operis, ipso opere seu potius ingenio nostro, ma-
ior esse ac malè cohærens videatur. Nam & calce-
us si pede maior erit, subuertet; si minor, vret: &
Diogenes ad Mindyos veniens, ac illos parvæ ciui-
tati portam ingentem extruxisse conspiciatus, sic in-
clamasse cum risu fertur: Claudite portas Mindy,
ne ciuitas exeat. Diogenem & ego pertimesco. Sed
quam ob causam lectionem de casibus conscientiæ
& expugnatione regni peccati, nomine hoc insigni-
re libuerit; sic pro me respondeo. Fori communis
& officinarum mercatorum hanc esse differentiam
quisque intelligit, quòd in iis ea quæ ad splendorem
atq; adeò luxum pertinent, venduntur: in foro au-
tem præter illa quæ ad victum simplicem spectant,
vix quicquam aliud inuenias. Holoserici, panni au-
ro intexti, & alia huiusmodi, pompæ & irritamen-
ta malorum, extremis portata ab Indis, in cameris
mercatorum asseruantur: in foro autem, panis, lac,
olus, quod infirmus manducat, venum exponun-

tur. Hi ergo iuuenes qui nunc ex humanioribus
litteris euocati, primum ingressum ad litteras sacras
parant; & quibus lacte non solido cibo opus est:
nunquid alibi, quàm in forum vbi hæc venduntur,
duci debuerunt? Peccatorum futuri sunt medici:
quid ergo aliud primum, quàm pro emplastro pœ-
nitentiæ conficiendo species simplicium cognosce-
re, necesse habuerunt? Nequaquam igitur superbè
sapere in foro hoc pœnitentiæ nobis propositum est;
sed sapere ad sobrietatē: vt scilicet hi iuuenes, pec-
cati ac eius duplicis in foro utroq; pœnitentiæ nacti
scientiā: Charybdim vitæ improbæ & ipsi euitare
cōsueſcant, & alios quod eorū muneris est præcipui,
praternauigare seu iam naufragantes periculo mor-
tis eripere ſciant. Hæc lectionum noſtrarum ſumma
eſt, Auditores, hæc laboris pars duplex: & hæreſum
labyrinthum filo profeſſionis fidei duce peruadere,
& peccati regnum, fori pœnitentiæ cognitione, ex-
cutere. Hac ergo propoſiti noſtri ac totius ſtudii
reddita ratione, ad vos iam ô iuuenes, qui in ſortem
Domini eſtis vocati, orationem conuerto: & quo-
modo in vtraq; hac lectione, atq; adeò in omni lit-
terarum ſtudio proficere valeatis; antequam finem
dicendi faciam, breuiter, vt cœpi, patefaciam, ſeu
veriùs proferam patefactum à Salomone ſic dicente:
Fili, concupiſcens ſapientiam, conſerua iuſtitiam:
& Deus præbebit illam tibi. Quàm multi enim ſunt,
qui iuſtitiam operum, quam puritas animi conſe-
quitur,

quitur, negligunt : & scientiam quam cordis infla-
tio comitatur ambiunt ? Excolunt doctrinis in-
tellectum, voluntatem spinis scelerum obrui sinen-
tes : ac ita in profectu literarum ne proficiant obi-
temponentes. Quid enim intellectui bono magis,
quàm voluntas mala obesse poterit ? Experimur, ru-
inam vnius parietis, alteri parieti vicino multum in-
commodi adferre : & umbras vicinarum arborum
agris adiacentibus plurimum sterilitatis inducere :
quid autem tam vicinum est atque rationi volun-
tas ? quæ umbra magis pestifera, quàm intellectui
cœcitas, voluntatem occupans ? Quamobrem re-
ctè Christus Dominus submonuit : Si quis volunta-
tem meam facere voluerit, cognoscet de doctrina
mea. Multi sunt qui de doctrina volunt cognosce-
re, sed non voluntatem facere : Omnes intelligere
cupiunt, sed non à mandatis cum Dauide : omnes
scientiam illuminantem censent, nemo obcœcan-
tem quandoq; esse, secum reputat. Est enim scien-
tia puluis, quem si proiicit ventus à facie terræ,
oculos lædit ac excœcat : si verò saluæ Christi mi-
sceatur, oculos cœcos illuminat. Est scientia &
odor mortis Adamo, volenti, vt esset sicut Dii sci-
ens bonum & malum : est & odor vitæ, non homi-
ni quem diabolus seduxit, sed quem Dominus de-
duxit per vias rectas, & ostendit ei regnum Dei, &
dedit illi scientiam Sanctorum. Hanc ergo ô iuue-
nes, & non scientiam mundi, ante oculos vobis in

toto

toto hoc quod incepturi estis studio, ponite; &
ne ordiamini telam & non ex Deo, ad Patrem lu-
minum conuertimini & dicite: Deus de coelo vi-
de, & visita vineam istam, quam plantauit dextera
tua. Tu verò Illustris: Bernarde, funde ole-
um benedictionis tuæ desuper, vt lapis
huius primæ lectionis, in titu-
lum erigatur.





